



**Broj/Број:02 –50 –1-51-52/'05
Sarajevo/Сарајево, 22.12.2005.**

**ZAPISNIK
52. sjednice Doma naroda
Parlamentarne skupštine Bosne i Hercegovine,
održane 22. decembra 2005.godine**

Sjednica je počela u 11,20 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 14 delegata.

Delegat Hilmo Neimarlija opravdao je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Nakon rasprave u kojoj su učestvovali Halid Genjac i Vinko Radovanović, usvojen je sljedeći izmijenjeni

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 51. sjednice Doma naroda;
3. Izvještaj Zajedničke komisije oba doma o nastojanju postizanja sporazuma o identičnom tekstu Zakona o osnovama sigurnosti saobraćaja na putevima u BiH;
4. Izvještaj Komisije Kolegija Doma naroda o nastojanju za postizanje saglasnosti o Prijedlogu zaključka delegata Ante Spajića i Osmana Brke a u vezi s Odlukom o prihvatanju sporazuma o restrukturiranju policijskih struktura u Bosni i Hercegovini;
5. Zahtjev Komisije za finansijske i administrativne poslove Doma naroda za razmatranje Prijedloga zakona o dopuni Zakona o državnoj službi u institucijama Bosne i Hercegovine po hitnom postupku, u skladu s članom 100. Poslovnika Doma naroda;
6. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Obavještajno-sigurnosnoj agenciji Bosne i Hercegovine po hitnom postupku, u skladu s članom 99. Poslovnika Doma naroda;
7. Prijedlog zakona o zaštiti ličnih podataka (prvo čitanje);
8. Prijedlog zakona o izmjenama i dopunama Zakona o Visokom sudskom i tužilačkom vijeću BiH (prvo čitanje);
9. Prijedlog zakona o zaštiti potrošača Bosne i Hercegovine (prvo čitanje);
10. Prijedlog zakona o Upravi za indirektno oporezivanje BiH (prvo čitanje);
11. Prijedlog zakona o reviziji institucija BiH (prvo čitanje);
12. Prijedlog zakona Bosne i Hercegovine o pomilovanju (prvo čitanje);

13. Informacija o stanju popunjenosti Državne granične službe BiH i internoj kontroli;
14. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Republike Grčke;
15. Davanje saglasnosti za ratifikaciju Memoranduma između Vlade Ruske Federacije i Vlade Bosne i Hercegovine, Vlade Republike Hrvatske, Vlade Republike Makedonije, Vlade Srbije i Crne Gore i Vlade Republike Slovenije o obračunu međusobnih finansijskih potraživanja u odnosu na izmirenje računa iz robne razmjene između bivšeg SSSR i bivše SFRJ;
16. Davanje saglasnosti za ratifikaciju Sporazuma između Vlade Republike Koreje i Vlade Bosne i Hercegovine o kreditu Fonda za ekonomsku razvojnu saradnju i Aranžmana između Vlade Republike Koreje i Vlade Bosne i Hercegovine o kreditu fonda za ekonomsku razvojnu saradnju;
17. Davanje saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima;
18. Prijedlog kandidata za članove Ureda za razmatranje žalbi (predlagač: Vijeće ministara BiH);

Ad-1. Odgovori na delegatska pitanja i delegatska pitanja

Odgovore na delegatska pitanja dobili su: Goran Milojević, dva odgovora, Boško Šiljegović, Osman Brka, Velimir Jukić i Tomislav Limov dva odgovora.

Delegat Goran Milojević izjasnio se da je djelimično zadovoljan dobivenim odgovorom, a Velimir Jukić konstatirao je da je njegov odgovor nepotpun.

Delegati Boško Šiljegović i Tomislav Limov izjasnili su se da su zadovoljni dobivenim odgovorima.

Delegat Osman Brka izjasnio se da nije zadovoljan dobivenim odgovorom.

Delegat Tomislav Limov postavio je sljedeća pitanja Vijeću ministara BiH:

1. Šta su Vijeće ministara BiH i druge institucije BiH preduzeli na realizaciji zaključaka Doma naroda Parlamentarne skupštine BiH u vezi sa sudbinom djece štićenika Dječijeg doma „Ljubica Ivezić“ iz Sarajeva, odvedenih 1992. godine u Italiju?
2. Jesu li pri realizaciji rečenih zaključaka utvrđeni propusti naših zvaničnika, službenika, te je li pokrenuta procedura utvrđivanja radne, disciplinske, političke i krivične odgovornosti onih zbog čijeg su činjenja ili nečinjenja spomenuta djeca trajno izgubljena za Bosnu i Hercegovinu?

Delegat Velimir Jukić postavio je sljedeća pitanja Vijeću ministara BiH:

1. Zašto su cijene korištenja internet usluga u Bosni i Hercegovini ovako visoke, neujednačene kod telekomunikacijskih operatera u BiH?
2. Zašto su popusti za određene kategorije potrošača - đake, školsku djecu, redovne studente i druge - relativno mali te time i destimulativni za veće korištenje internet usluga ovih korisnika?

3. Šta je Vijeće ministara BiH uradilo, odnosno dokle su došle aktivnosti na izradi Zakona o plaćama u institucijama BiH, tj. korisnika budžeta institucija BiH?
4. Kada će ovaj zakon doći u parlamentarnu proceduru?

Delegat Ilija Filipović postavio je pitanje Vijeću ministara BiH:

Zašto nema odgovora na delegatsko pitanje postavljeno na 49. sjednici Doma naroda, održanoj 31.11.2005., koje je glasilo:

„Gdje su u procesu dogovaranja oko imena glavnog pregovarača kada se pristupi Sporazumu o stabilizaciji i pridruživanju, parlamentarna tijela Parlamentarne skupštine BiH, dvije komisije za vanjske poslove Predstavničkog doma i Doma naroda, Zajednička komisija za evropske integracije, Direkcija za evropske integracije BiH kao i Predsjedništvo BiH, koje je zaduženo za poslove vanjske politike?”

Delegat Ilija Filipović, u ime Kluba hrvatskog naroda, također je postavio pitanje sekretaru Doma naroda kao i sekretaru Zajedničke službe, koje se odnosilo na jezičku ravnopravnost, tj. na izostajanje hrvatskog jezika s displeja u salama.

Sekretar Doma naroda Jadranko Tomić odgovorio je da su već vođeni razgovori sa stručnjacima za programiranje, te bi se do kraja februara to trebalo ispraviti.

Delegat Ruža Stojanović postavila je pitanje Vijeću ministara BiH, odnosno ministrici finansija i trezora BiH Ljerki Marić.

"Zašto budžet za 2006. kasni, zašto nije upućen u parlamentarnu proceduru u skladu sa Zakonom o finansiranju institucija BiH, tj. do 1.11. 2005.? Kako će se to odraziti na finansiranje institucija i primjenu PDV-a?"

Na kraju rasprave o ovoj tački dnevnog reda delegat Boško Šiljegović iznio je pohvalu na aktivnosti Sekretarijata Parlamentarne skupštine BiH ističući rekonstrukciju unutrašnjeg prostora Parlamenta kao i projekat prijema pripravnika volontera u Sekretarijat Parlamentarne skupštine BiH.

Ad-2. Usvajanje Zapisnika 51. sjednice Doma naroda

Zapisnik 51. sjednice Doma naroda jednoglasno je usvojen.

Ad-3. Izvještaj Zajedničke komisije oba doma o nastojanju postizanja sporazuma o identičnom tekstu Zakona o osnovama sigurnosti saobraćaja na putevima u BiH

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o osnovama sigurnosti saobraćaja na putevima u BiH.

Ad-4. Izvještaj Komisije Kolegija Doma naroda o nastojanju za postizanje saglasnosti o Prijedlogu zaključka delegata Ante Spajića i Osmana Brke a u vezi s Odlukom o prihvatanju sporazuma o restrukturiranju policijskih struktura u Bosni i Hercegovini

Dom naroda nije usvojio zaključak delegata Ante Spajića i Osmana Brke a u vezi s Odlukom o prihvatanju sporazuma o restrukturiranju policijskih struktura u Bosni i Hercegovini.

Ad-5. Zahtjev Komisije za finansijske i administrativne poslove Doma naroda za razmatranje Prijedloga zakona o dopuni Zakona o državnoj službi u institucijama BiH po hitnom postupku, u skladu s članom 100. Poslovnika Doma naroda

U raspravi je učestvovala Ruža Stojanović.

Dom naroda jednoglasno je usvojio Zahtjev Komisije za finansijske i administrativne poslove Doma naroda za razmatranje Prijedloga zakona o dopuni Zakona o državnoj službi u institucijama BiH po hitnom postupku, u skladu s članom 100. Poslovnika Doma naroda, nakon čega je Zakon jednoglasno usvojen.

Ad-6. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Obavještajno-sigurnosnoj agenciji BiH po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o Obavještajno-sigurnosnoj agenciji BiH po hitnom postupku, u skladu s članom 99. Poslovnika Doma naroda.

Ad-7. Prijedlog zakona o zaštiti ličnih podataka (prvo čitanje);

U raspravi o ovoj tački dnevnog reda učestvovali su Ilija Filipović i Halid Genjac.

Dom naroda jednoglasno je u oba čitanja usvojio Prijedlog zakona o zaštiti ličnih podataka u predloženom tekstu.

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Halid Genjac

Tomislav Limov

Đoko Pajić

Ad-8. Prijedlog zakona o izmjenama i dopunama Zakona o Visokom sudskom i tužilačkom vijeću BiH (prvo čitanje)

U raspravi o ovoj tački dnevnog reda učestvovali su Ilija Filipović i Velimir Jukić.

Dom naroda jednoglasno je u oba čitanja usvojio Prijedlog zakona o izmjenama i dopunama Zakona o Visokom sudskom i tužilačkom vijeću BiH u identičnom tekstu kao i na Predstavničkom domu.

Ad-9. Prijedlog zakona o zaštiti potrošača Bosne i Hercegovine (prvo čitanje)

U raspravi o ovoj tački dnevnog reda učestvovao je Ilija Filipović.

Dom naroda jednoglasno je u oba čitanja usvojio Prijedlog zakona o zaštiti potrošača Bosne i Hercegovine u predloženom tekstu.

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Mustafa Pamuk

Velimir Jukić

Ruža Stojanović

Ad-10. Prijedlog zakona o Upravi za indirektno oporezivanje BiH (prvo čitanje);

U raspravi o ovoj tački dnevnog reda učestvovala je Ruža Stojanović.

Dom naroda jednoglasno je u oba čitanja usvojio Prijedlog zakona o Upravi za indirektno oporezivanje BiH u identičnom tekstu kao i na Predstavničkom domu.

Ad-11. Prijedlog zakona o reviziji institucija BiH (prvo čitanje)

U raspravi o ovoj tački dnevnog reda učestvovali su: Ruža Stojanović, Ilija Filipović, Halid Genjac, Hasan Čengiđ, Vinko Radovanović i Tomislav Limov.

Dom naroda jednoglasno je u oba čitanja usvojio Prijedlog zakona o reviziji institucija BiH, sa sljedećim amandmanima:

Amandman 1.

U članu 2. (Definicije) tekst "**Zakon o finansijama**" je Zakon o finansiranju institucija Bosne i Hercegovine" mijenja se i glasi:

"Zakon" je Zakon o finansiranju institucija Bosne i Hercegovine."

Amnadman 2.

U članu 5. st. (1) i (2) tekst:

"Zakona o finansijama" zamjenjuje se riječju "Zakona".

Amnadman 3.

U članu 6. stav (1) tekst:

"Zakonom o finansijama" zamjenjuje se riječju "Zakonom".

Amandman 4.

U članu 23. mijenja se stav (1) tako da glasi:

"Kandidati za funkciju generalnog revizora i zamjenika generalnog revizora moraju biti lica koja:

- (a) imaju diplomu ekonomskog ili pravnog fakulteta ili drugu adekvatnu visoku stručnu spremu koja programom odgovara traženoj ekspertizi i iskustvo u oblasti računovodstva, revizije, javnih finansija ili javne administracije najmanje 10 godina,
- (b) nisu osuđivane za krivična djela i/ili privredne prestupe ili djela koja ne odgovaraju njihovim dužnostima."

Stav (2) člana 23. briše se.

St. (3) i (4) postaju st. (2) i (3).

Amandman 5.

U članu 24. stav (1) mijenja se i glasi:

"Generalnog revizora i zamjenike generalnog revizora imenuje Parlamentarna skupština BiH, na prijedlog Komisije za izbor iz stava (4) ovog člana. Prijedlog se zasniva na rang-listi kandidata."

U članu 24. stav (2) mijenja se i glasi:

"Javni konkurs za popunu upražnjenog mjesta generalnog revizora i zamjenika generalnog revizora raspisuje Komisija za izbor iz stava (4) ovog člana koji se objavljuje u Službenom glasniku BiH."

U članu 24. u stavu (3), u trećem redu, iza riječi "kandidata" briše se tekst: "i dostavlja Predsjedništvu".

U članu 24. dodaje se novi stav (3), koji glasi:

"Sve administrativno-stručne poslove za Komisiju za izbor obavlja stručna služba Ureda za reviziju."

Stav (3) postaje stav (4) itd.

Amandman 6.

U tački 7. člana 24, na kraju rečenice, umjesto tačke stavlja se zarez i dodaje sljedeći tekst: "osim ako nije drugačije regulirano odgovarajućim zakonom o plaćama u institucijama BiH."

Amandman 7.

U članu 33. briše se tačka e) "da je regulirao vojnu obavezu u skladu sa zakonom".

Tačke (f), (g) i (h) sada postaju tačke (e), (f) i (g).

Amandman 8.

U članu 34. dodaje se novi stav (8) koji glasi:

"Nezadovoljna strana zaštitu svojih prava ili povrijeđenih interesa može zatražiti pred nadležnim sudom."

Amandman 9.

Iza člana 49. dodaje se novi član 50., koji glasi:

"U slučaju sukoba odredbi ovog i odredbi drugih zakona, primjenjivat će se odredbe ovog zakona."

Dosadašnji član broj 50. postaje član 51., a član 51. postaje član 52. ovog zakona.

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Halid Genjac

Branko Zrno

Goran Milojević

Ad-12. Prijedlog zakona Bosne i Hercegovine o pomilovanju (prvo čitanje);

U raspravi o ovoj tački dnevnog reda učestvovao je Ilija Filipović.

Dom naroda jednoglasno je u oba čitanja usvojio Prijedlog zakona Bosne i Hercegovine o pomilovanju u identičnom tekstu kao i na Predstavničkom domu.

Ad-13. Informacija o stanju popunjenosti Državne granične službe BiH i internoj kontroli;

U raspravi su učestvovali: Boško Šiljegović, Osman Brka, Hasan Čengić, Goran Milojević, Branko Zrno, Velimir Jukić i predstavnik Državne granične službe Vahid Alagić.

Dom naroda primio je k znanju Informaciju o stanju popunjenosti Državne granične službe BiH i internoj kontroli sa sljedećim zaključkom:

Dom naroda Parlamentarne skupštine BiH traži od Vijeća ministara BiH da do kraja januara 2006. dostavi Domu naroda cjelovit izvještaj o aktivnostima Državne granične službe, o problemima u radu, te potrebne mjere za kvalitetnu zaštitu državne granice.

Dom naroda će u toku februara 2006. organizirati raspravu o ovom pitanju, uz prisustvo predstavnika nadležnih institucija BiH.

Ad-14. Davanje saglasnosti za ratifikaciju Sporazuma o zračnom prometu između Vijeća ministara BiH i Vlade Republike Grčke

U raspravi su učestvovali: Hasan Čengić, ministrica finansija i trezora Ljerka Marić, Goran Milojević, Vinko Radovanović, Mustafa Pamuk, Osman Brka, Ilija Filipović, Velimir Jukić i Halid Genjac.

Dom naroda odgodio je davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Republike Grčke sa sljedećim zaključkom:

„Doma naroda odlaže izjašnjavanje o Sporazumu, odnosno davanje saglasnosti na Sporazum dok se Vijeće ministara ne izjasni o razlozima neregipročnosti rješenja u Sporazumu, mogućim implikacijama na nedavanje saglasnosti kao i o mogućnostima popravljavanja uočenih neregiprociteta u Sporazumu.“

Ad-15. Davanje saglasnosti za ratifikaciju Memoranduma između Vlade Ruske Federacije i Vlade Bosne i Hercegovine, Vlade Republike Hrvatske, Vlade Republike Makedonije, Vlade Srbije i Crne Gore i Vlade Republike Slovenije o obračunu međusobnih finansijskih potraživanja u odnosu na izmirenje računa iz robne razmjene između bivšeg SSSR i bivše SFRJ

U raspravi su učestvovali: Hasan Čengić, Goran Milojević, Đoko Pajić i Velimir Jukić.

Dom naroda dao je saglasnost za ratifikaciju Memoranduma između Vlade Ruske Federacije i Vlade Bosne i Hercegovine, Vlade Republike Hrvatske, Vlade Republike Makedonije, Vlade Srbije i Crne Gore i Vlade Republike Slovenije o obračunu međusobnih finansijskih potraživanja u odnosu na izmirenje računa iz robne razmjene između bivšeg SSSR i bivše SFRJ.

Ad-16. Davanje saglasnosti za ratifikaciju Sporazuma između Vlade Republike Koreje i Vlade Bosne i Hercegovine o kreditu Fonda za ekonomsku razvojnu saradnju i Aranžmana između Vlade Republike Koreje i Vlade Bosne i Hercegovine o kreditu fonda za ekonomsku razvojnu saradnju

U raspravi su učestvovali: Hasan Čengić i Đoko Pajić.

Dom naroda dao je saglasnost za ratifikaciju Sporazuma između Vlade Republike Koreje i Vlade Bosne i Hercegovine o kreditu Fonda za ekonomsku razvojnu saradnju i Aranžmana između Vlade Republike Koreje i Vlade Bosne i Hercegovine o kreditu fonda za ekonomsku razvojnu saradnju.

Ad-17. Davanje saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima

U raspravi je učestvovao Hasan Čengić.

Dom naroda odgodio je davanje saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima sa sljedećim zaključkom:

„Dom naroda odgađa izjašnjavanje o Ugovora, odnosno davanje saglasnosti na Ugovor dok se Vijeće ministara BiH ne izjasni o razlozima sadržaja Ugovora i o mogućnostima popravljavanja uočenih neregiprociteta u Ugovoru.“

Ad-18. Prijedlog kandidata za članove Ureda za razmatranje žalbi (predlagač: Vijeće ministara BiH)

U raspravi su učestvovali: Tomislav Limov, ministrica finansija i trezora Ljerka Marić, Đoko Pajić i Goran Milojević.

Dom naroda prihvatio je listu kandidata za članove Ureda za razmatranje žalbi.

Sjednica je završena u 15 sati.

Sastavni dio ovog zapisnika je neautorizirani transkript 52. sjednice Doma naroda.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Mustafa Pamuk